

Supervizor Gregorian razjasnio pravni status Izborne komisije Distrikta Brčko



Supervizor za Brčko dr Raffi Gregorian izdao je danas [nalog supervizora](#) kojim se otklanjaju bilo kakve pravne nesigurnosti u vezi sa statusom Izborne komisije Distrikta Brčko i osigurava kontinuitet u zadacima koji se moraju obaviti prije, za vrijeme i poslije izbora u oktobru 2008. godine.

Mandat sadašnje komisije je istekao u februaru 2007. godine i nakon toga je trebalo da bude imenovana nova komisija. Pored toga, nedavno izmijenjenim izbornim zakonodavstvom se zahtjeva da broj članova Izborne komisije Distrikta Brčko bude povećan za dva člana na sedam ukupno.

Iz razloga koji nisu u nadležnosti Izborne komisije Distrikta Brčko, ovo nije bilo urađeno. Ovo je kod nekih stvorilo pogrešnu sliku da bi pravilno održavanje oktobarskih izbora u Distriktu Brčko moglo biti dovedeno u pitanje iako takvo viđenje nije ispravno.

Nakon konsultacija sa relevantnim institucijama BiH i Distrikta, supervizor je odlučio da ukloni sve nedoumice tako što će izdati nalog supervizora kako bi obezbjedio pravnu sigurnost i kontinuitet u pripremi i održavanju izbora u 2008. godini.

Skupština Distrikta Brčko će morati bez odlaganja da izabere i imenuje dva nova člana Izborne komisije Distrikta Brčko i da u toku 2009. godine izabere i imenuje pet članova Izborne komisije Distrikta Brčko.

Sadašnji članovi Izborne komisije Distrikta Brčko će nastaviti da obavljaju sve dužnosti i obaveze koje imaju kao članovi Izborne komisije Distrikta Brčko sve dok Skupština Distrikta Brčko ne imenuje pet članova.

Supervizor Gregorian je lično pohvalio sadašnje članove Izborne komisije Distrikta Brčko za njihovu profesionalnu posvećenost i visoke standarde u radu iskazane u proteklom periodu, izrazio žaljenje što nadležni organi nisu reagovali na vrijeme kako bi sami riješili ovo pitanje i izrazio potpunu uvjerenost u sposobnost Izborne komisije Distrikta Brčko da svoje obaveze i dalje izvršava sa istom posvećenošću i standardima u radu.